

## Izveštaj o radu Uprave policije MUP-a Kantona Sarajevo za mjesec septembar 2018. godine

### KRIMINALITET

#### OSNOVNI STATISTIČKI POKAZATELJI KRIMINALITETA

U mjesecu septembru 2018. godine, na području Kantona Sarajevo registrovano je 321-no krivično djelo što je za 19 djela ili 5,6% manje u odnosu na isti mjesec prethodne godine.

Od ukupno broja registrovanih krivičnih djela, 161 ili 50,2% izvršeno je od strane poznatih izvršilaca, a 160 ili 49,8% od strane nepoznatih izvršilaca.

Za 52 djela ili 32,5% od ukupnog broja krivičnih djela prijavljenih po nepoznatom izvršiocu, naknadno su identifikovani osumnjičeni izvršiocu, od čega su 33 krivična djela iz izvještajnog mjeseca, a 19 iz ranijeg perioda.

Službenici Uprave policije MUP-a KS su mjesecu septembru 2018. godine za ukupno 212 krivičnih djela (krivična djela po poznatom izvršiocu i naknadno rasvijetljena djela) ili 66,4% identifikovali osumnjičene izvršioce, što je za 9,6% više u odnosu na isti mjesec prethodne godine.

Zbog postojanja osnova sumnje da su počinili krivična djela prijavljeno je 200 lica (29 više), od čega je 108 povratnika (jedno manje) u izvršenju krivičnih djela (ili 54%), pet maloljetnika (jedan manje), a 81-no lice je lišeno slobode (11 više).

PREGLED KRIMINALITETA NA PODRUČJU KANTONA SARAJEVO U MJESECU SEPTEMBRU 2018/17. GODINE  
POSMATRANO PO GLAVAMA KZFBH-a

KRIVIČNA DJELA	SEPTEMBAR 2018.	SEPT. 2017.	uporedba br.KD		RASVIJETLJENOST SEPTEMBAR 2018.	
			+ / -	%	br. KD	%
Protiv života i tijela	<b>11</b>	14	-3	-21,4%	11	100%
Protiv slobode i prava čovjeka i građanina	<b>15</b>	28	-13	-46,4%	15	100%
Protiv spolne slobode i morala	<b>1</b>	0	1	---	1	100%
Protiv braka, porodice i mladeži	<b>20</b>	12	8	66,7%	20	100%
Protiv zdravlja ljudi	<b>39</b>	29	10	34,5%	39	100%
Iz oblasti poreza	<b>1</b>	0	1	---	1	100%
Protiv imovine	<b>192</b>	232	-40	-17,2%	89	46,3%
Protiv okoliša, poljoprivrede i prirodnih dobara	<b>1</b>	0	1	---	1	100%
Protiv opće sigurnosti ljudi i imovine	<b>9</b>	2	7	350%	4	44,4%
Protiv sigurnosti javnog prometa	<b>6</b>	1	5	500%	6	100%
Protiv pravosuđa	<b>6</b>	4	2	50%	6	100%
Protiv javnog reda i pravnog prometa	<b>13</b>	13	0	isto	13	100%
Protiv podmićivanja i krivična djela protiv službene i druge odgovorne funkcije	<b>2</b>	1	1	100%	2	100%
ZONDINOIM-a (Sl.novine Kantona Sarajevo br.38/07)	<b>5</b>	4	1	25%	5	100%
<b>UKUPNO</b>	<b>321</b>	340	-19	-5,6%	213	66,4%

*U mjesecu septembru 2018. godine u odnosu na isti mjesec prethodne godine, zabilježeno je smanjenje broja registrovanih krivičnih djela za 19 ili 5,6%. Najznačajnije smanjenje zabilježeno je u oblastima protiv imovine (za 40 djela) i slobode i prava čovjeka i građanina (za 13), dok je povećanje evidentirano u oblastima protiv zdravlja ljudi (za deset djela), braka, porodice i mladeži (za osam), sigurnosti javnog prometa (za pet), itd.*

#### PREGLED KRIVIČNIH DJELA PO OBLASTIMA

##### KRIVIČNA DJELA PROTIV ŽIVOTA I TIJELA

Tokom izvještajnog mjeseca ove godine evidentirano je 11 krivičnih djela iz ove oblasti (tri manje u odnosu na septembar 2017 godine), i to: ubistvo u pokušaju - jedno djelo (nije bilo ovih djela), teška tjelesna ozljeda – šest (isti broj) i lahka tjelesna ozljeda – četiri djela (četiri manje).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnim tužilaštvima podneseni su službeni izvještaji protiv 11 lica, od kojih je šest (ili 54,5%) povratnika, a pet je lišeno slobode.

##### KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 15 krivičnih djela (13 manje) i to: ugrožavanje sigurnosti - 13 djela, protupravno lišenje slobode i narušavanje nepovredivosti stana - po jedno djelo. Za izvršenje navedenih djela prijavljeno je 12 lica, od kojih je deset povratnika (ili 83,3%).

##### KRIVIČNA DJELA PROTIV BRAKA, PORODICE I MLADEŽI

U mjesecu septembru evidentirano je 20 djela (osam više) - nasilje u porodici, za čije izvršenje je prijavljeno 20 lica, od kojih su 10 (ili 50%) povratnika, a 13 lica je lišeno slobode.

##### KRIVIČNA DJELA PROTIV ZDRAVLJA LJUDI

Prijavljeno je 39 krivičnih djela iz oblasti protiv zdravlja ljudi (10 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 36 djela.

Zbog postojanja osnova sumnje da su počinili navedena djela podneseni su službeni izvještaji protiv 40 lica (11 više), a 15 je lišeno slobode (jedno manje).

*Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv četiri lica zbog postojanja osnova sumnje da je u proteklom periodu u više navrata kupovao opojnu drogu "Heroin" i "Marihuana" od za sada nepoznatih lica, na raznim lokalitetima, istu prepakivao, a zatim vršio prodaju raznim konzumentima na području Kantona, čime bi počinio krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv ukupno 36 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).*

PREGLED ODUZETE KOLIČINE OPOJNIH DROGA U MJESECU SEPTEMBRU 2018/17. GODINE

VRSTA OPOJNE DROGE	SEPTEMBAR 2018.GOD	SEPTEMBAR 2017. GOD.
Marihuana (u gramima)	25	1000
Marihuana (paketići)	13	16
Marihuana (cigarete-kom.)	1	3
Heroin (paketići)	85	10
Kokain (paketići)	---	3
Amfetamin (paketići)	28	8
Amfetamin (u gramima)	82	---
Ecstasy (tablete)	1	100
Metadon	---	1 bočica
Cannabis- stabljike	---	3
pribor sa ostacima droge	2	5

KRIVIČNA DJELA PROTIV IMOVINE

U ovom mjesecu, registrovana su 192 krivična djela protiv imovine, što je za 40 djela manje u odnosu na isti mjesec prošle godine. Među djelima iz ove oblasti najbrojnije su: teške krađe – 99 djela (42 manje), krađe – 23 (11 manje), razbojništvo – 28 (jedno više), oštećenje tuđe stvari – 20 (pet više), utaja - sedam (tri više), itd.

Za ukupno 88 ovih djela ili 46,3% identifikovani su osumnjičeni izvršioc, što je 7,9% viša rasvijetljenost u odnosu na uporedni mjesec.

Kada su u pitanju teške krađe, prema objektu izvršenja najbrojnija su bila motorna vozila (otuđenja motornih vozila i “provale” u ista) – 38 puta (35 manje), zatim stambeni objekti – 30 puta (18 manje), poslovni prostori - 21 put (četiri više), itd.

Tokom mjeseca septembra na području Kantona Sarajevo izvršeno je 25 krivičnih djela teških krađa motornih vozila od čega su tri ili 12% pronađena i vraćena vlasnicima (od strane Uprave policije MUP-a KS vraćena su dva vozila i MUP-a TK - jedno vozilo).

Broj teških krađa motornih vozila, u odnosu na uporedni mjesec, smanjen je za 21 ili 45,7%, a zbog postojanja osnova sumnje da su učestvovali u otuđenju motornog vozila nadležnom tužilaštvu u mjesecu septembru 2018. godine podnesen je službeni izvještaj protiv dva lica (jedno manje).

Prijavljena su 23 krivična djela krađe (11 manje), koja su izvršena osam puta u poslovnim prostorijama, pet u stambenim objektima, tri puta u vozilima i na stajalištima GRAS-a, pet na ulici, itd. odakle su otuđivani novčanici, bicikli, tehnička roba, alat, kozmetika, auto dijelovi, itd.

Evidentirano je deset krivičnih djela teških krađa na naročito opasan ili naročito drzak način (četiri više), u kojima su izvršioc, upotrebom fizičke snage (otimanjem i trganjem) - devet puta i verbalnom prijetnjom u jednom slučaju, otimali mobilite i novac. Ova djela su izvršena šest puta na ulici i po dva puta u haustorima stambenih zgrada i GRAS-ovim stajalištima.

Za tri ova djela identifikovan je osumnjičeni izvršilac, povratnik u činjenju krivičnih djela, a zbog postojanja osnova sumnje da ih je počinio nadležnom tužilaštvu podnesen je službeni izvještaji.

U mjesecu septembru ove godine registrovano je 28 krivičnih djela razbojništva (jedno više), od čega je za 12 ili 42,8% djela identifikovan osumnjičeni izvršilac (što je za 20,6% više).

Ova djela izvršena su prijetnjom upotrebe atrenog oružja - deset puta, prijetnjom upotrebe noža ili drugog oštrog predmeta – 12 i upotrebom fizičke snage – šest puta, a počinjena su u poslovnim

prostorijama - 10 puta, u sportskim kladionicama - šest, na ulici osam, u apotekama - dva, itd. Otuđivan je novac, mobiteli, nakit, cigarete, itd.

Za izvršenje navedenih djela nadležnom tužilaštvu podneseni su službeni izvještaji protiv 13 lica (sedam više) od kojih je devet povratnika u činjenju krivičnih djela (ili 69,2%), a deset je lišeno slobode.

#### KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je devet djela (sedam više) i to: izazivanje opće opasnosti - osam i nesavjesno čuvanje pasa i drugih opasnih životinja - jedno djelo, za čije izvršenje su nadležnom tužilaštvu podneseni službeni izvještaji protiv tri lica, a dva su lišena slobode.

#### KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 13 krivičnih djela (isti broj) i to: nedozvoljeno držanje oružja ili eksplozivnih materija - šest, nasilničko ponašanje – tri, napad na službenu osobu u vršenju poslova sigurnosti - dva, sprječavanje službene osobe u vršenju službene radnje i krivotvorenje isprave - po jedno djelo. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 14 lica od kojih je devet povratnika (ili 64,3%), a devet je lišeno slobode.

#### KRIVIČNA DJELA POČINJENA OD STRANE MALOLJETNIH LICA

U toku mjeseca septembra 2018. godine prijavljeno je **pet** maloljetnih lica zbog postojanja osnova sumnje da su učestvovali u izvršenju **pet** krivičnih djela. U odnosu na isti mjesec 2017. godine, broj maloljetnih učinilaca krivičnih djela smanjen je za jedan ili 16,7%, a broj krivičnih djela u čijem izvršenju su učestvovala maloljetna lica smanjen je za četiri ili 44,4%.

Među prijavljenim maloljetnim učiniocima, četiri su u dobi između 14 i 16 godina i jedno u dobi između 16 i 18 godina, a tri maloljetnika su povratnici u izvršenju krivičnih djela.

Struktura krivičnih djela izvršenih od strane maloljetnih lica u toku mjeseca septembra 2018/2017. godine

(KZ FBiH) krivična djela	Septembar 2018.	Septembar 2017.	+,-%
silovanje u pokušaju	1	0	+1
laka tjelesna ozljeda	1	0	+1
protupravno lišenje slobode	0	1	-1
posjedovanje i omog. uživanja opojnih droga	0	1	-1
krađa	1	0	+1
teška krađa u pokušaju	1	0	+1
drska krađa	0	2	-2
razbojništvo	1	4	-3
krađa	0	0	0
oštećenje tuđe stvari	0	0	0
iznuda	0	1	-1
<b>UKUPNO</b>	<b>5</b>	<b>9</b>	<b>-4 ili 44,4%</b>

## OSTALA PROTIVPRAVNA I ASOCIJALNA PONAŠANJA

### AKTIVIRANJE MINSKO-EKSPLOZIVNIH SREDSTAVA

U toku mjeseca septembra 2018. godine registrovana su tri slučaja aktiviranja minsko-eksplozivnih sredstava (u mjesecu septembru 2017. godine registrovana su dva slučaja), što je za posljedicu imalo materijalnu štetu na motornom vozilu i objektu.

U proteklom mjesecu evidentirana je jedna anonimna dojava o postavljenoj eksplozivnoj napravi (u istom mjesecu 2017. godine nije bilo), a odnosila se na Ambasadu Velike Britanije. Nakon KDZ pregleda utvrđeno je da je dojava bila lažna. Preduzimaju se aktivnosti na rasvjetljavanju ovog slučaja i pronalaženju učinioca.

### POŽARI

Tokom mjeseca septembra 2018. godine, na području Kantona Sarajevo registrovano je 13 požara (sedam više), koji su za posljedicu imali materijalnu štetu.

Prema statističkim pokazateljima, devet požara je izazvano namjerno, tri zbog tehničkih nedostataka, dok uzrok jednog požara spadaju u kategoriju ostalih.

### SAMOUBISTVA

U mjesecu septembru 2018. godine na području Kantona Sarajevo registrovana su četiri samoubistva (jedno više), izvršena upotrebom vatrenog oružja i skokom sa visine – po dva puta.

Samoubistva su izvršena na području općina: Novo Sarajevo, Novi Grad, Ilidža i Hadžići. Izvršiocu su tri muškarca i jedna žena u dobi preko 50 godina.

### SAMOUBISTVA

U mjesecu septembru 2018. godine na području Kantona Sarajevo registrovana su četiri samoubistva (jedno više), izvršena upotrebom vatrenog oružja i skokom sa visine – po dva puta.

Izvršiocu su tri muškarca i jedna žena u dobi preko 50 godina.

## JAVNI RED I MIR

U toku mjeseca septembra 2018. godine policijski službenici su uručili/podnijeli 356 prekršajna naloga i zahtjeva za pokretanje prekršajnog postupka (naloga - 277, zahtjeva - 79) zbog narušavanja javnog reda i mira, što u odnosu na isti mjesec 2017. godine predstavlja povećanje za 33 ili 32,3%. Prekršajne sankcije preduzete su protiv 384 lica, što predstavlja povećanje za 39 ili 11,3%.

Od ukupnog broja naloga i zahtjeva, 302 ili 84,8% odnosi se na prekršaje utvrđene Zakonom o prekršajima protiv javnog reda i mira, a 54 ili 15,2% na prekršaje utvrđene Odlukom općinskih vijeća o javnom redu i miru.

Najveći broj prekršajnih sankcija odnosi se na prekršaje učinjene prosjačenjem (150 ili 42,1%).

Prilikom narušavanja javnog reda i mira u proteklom mjesecu, u slučajevima kada se radilo o prekršajima, nije bilo teže povrijeđenih (kao ni u istom mjesecu 2017. godine), dok je lakše povrijeđeno šest (jedno ili 14,2% manje).

Od ukupnog broja prekršajnih sankcija u oblasti javnog reda i mira, 40 ili 11,2% se odnosi na lica koja su i ranije činila prekršaje (povratnici). Prema starosnoj strukturi lica protiv kojih su preduzimate prekršajne sankcije, najbrojniji su oni starosne dobi preko 36 godina (232), zatim između 26 i 35 (81) i između 19 i 25 godina (70).

Pregled strukture prekršaja i njihova zastupljenost u ukupnom broju:

- **Prosjačenje – 150** (ili 42,1% od ukupnog broja prekršajnih sankcija);
- **Naročito drsko ponašanje – 52** (ili 14,6%);
- **Tuče – 27** (ili 7,6%);
- **Odbijanje naređenja i omalovažavanje policijskih službenika 23** – (ili 8,5%);
- **Svađa, vika, nepristojno ponašanje – 13** (ili 3,7%);
- **Uživanje opojne droge na javnom mjestu – 1** (ili 0,2%);
- **Ostali prekršaji – 36** (ili 10,1%) i
- **Prekršaji prema Odluci općinskih vijeća – 54** (ili 15,2%).

Prema mjestu izvršenja, a na osnovu broja prekršajnih sankcija, najviše prekršaja učinjeno je na ulici i na drugim otvorenim prostorima (334 ili 94,1%), a znatno manje u ugostiteljskim objektima (4), sredstvima javnog prevoza (1), te na ostalim mjestima (17 prekršaja). U proteklom mjesecu nisu registrovani prekršaji u školama, trgovinskim i zanatskim radnjama i na sportskim terenima.

Tabelarni pregled prekršajnih sankcija  
u mjesecu septembru 2018/17. godine, prema mjestu izvršenja

MJESTO IZVRŠENJA	septembar 2018.	SEPTEMBAR 2017.	+ - %	
Ulica i drugi otvoreni prostor	334	272	62	22,8%
Ugostiteljski objekti	4	16	-12	-75,0%
Sportski stadioni i dvorane	0	0	0	---
Vozila javnog saobraćaja	1	0	1	---
Škole i školska dvorišta	0	1	-1	---
Trgovine i zanatske radnje	0	1	-1	----
Ostala mjesta	17	33	-16	-48,5%
<b>UKUPNO</b>	<b>356</b>	<b>323</b>	<b>33</b>	<b>10,2%</b>

Na području Kantona Sarajevo u mjesecu septembru održano je 398 javnih skupova (131 ili 32,9 % više u odnosu na septembar 2017. godine). Policijski službenici su osiguravali proteste demobilisanih boraca, koji su se održavali ispred zgrade Parlamenta Federacije BiH, te je od strane učesnika demonstracija došlo do narušavanja javnog reda i mira i napada na policijske službenike Uprave policije ovog Ministarstva. Tom prilikom su policijski službenici upotrijebili sredstva sile prema određenom broju učesnika protesta. Kao posljedica napada na pripadnike Uprave policije, došlo je do povređivanja sedam policijskih službenika. Zbog postojanja osnova sumnje da su počinili djelo iz člana 359. KZ FBiH, slobode su lišena tri učesnika protesta, dok je jedno lice lišeno slobode zbog počinjenog prekršaja, te je nakon provedenog postupka otpušteno iz službenih prostorija. U 89 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu septembru 2018. godine u odnosu na isti mjesec prethodne godine smanjen je ukupan broj saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima i broj povrijeđenih lica.

Registrovano je 788 saobraćajnih nezgoda (137 ili 14,8% manje u odnosu na septembar prethodne godine), od čega je 720 sa materijalnom štetom (141 ili 16,4% manje) i 68 sa nastradalim licima (četiri ili 6,3% više). U navedenim nezgodama jedno lice je poginulo, 17 je teže, a 66 lica je lakše povrijeđeno.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC SEPTEMBAR 2018/17. GODINA

	SEPTEMBAR 2018.	SEPTEMBAR 2017.	uporedba	
			+,-	%
<b>UKUPAN BROJ SAOBRAĆAJNIH NEZGODA</b>	<b>788</b>	925	<b>-137</b>	<b>-14,8%</b>
SAOBRAĆAJNE NEZGODE SA NASTRADALIM LICIMA	<b>68</b>	64	<b>4</b>	<b>6,3%</b>
SAOBRAĆAJNE NEZGODE SA MATERIJALNOM ŠTETOM	<b>720</b>	861	<b>-141</b>	<b>-16,4%</b>
<b>POGINULO LICA</b>	<b>1</b>	1	<b>0</b>	<b>isto</b>
- vozači	<b>1</b>	0	<b>1</b>	<b>---</b>
- putnici	<b>0</b>	1	<b>-1</b>	<b>---</b>
- pješaci	<b>0</b>	0	<b>0</b>	<b>---</b>
<b>POVRIJEĐENO LICA</b>	<b>83</b>	82	<b>1</b>	<b>1,2%</b>
- vozači	<b>43</b>	40	<b>3</b>	<b>7,5%</b>
- putnici	<b>27</b>	27	<b>0</b>	<b>isto</b>
- pješaci	<b>13</b>	15	<b>-2</b>	<b>-13,3%</b>

U naselju je registrovano 705 saobraćajnih nezgoda (63 sa nastradalim licima i 642 sa materijalnom štetom), a van naselja 83 nezgode (pet sa povrijeđenim licima i 78 sa materijalnom štetom). Evidentirane su 92 saobraćajne nezgode na raskrsnicama u naselju, 26 na raskrsnicama van naselja, osam na pješačkim prelazima i 662 saobraćajne nezgode čije se karakteristike puta ubrajaju u kategoriju ostalih.

TABELARNI PREGLED SAOBRAĆAJNIH NEZGODA I POSLEDICE NA PODRUČJU KANTONA SARAJEVO  
U MJESECU SEPTEMBRU 2018. GODINE

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	14	48	642	<b>705</b>	1	17	58
van naselja	0	0	5	78	<b>83</b>	0	0	8
<b>UKUPNO</b>	<b>1</b>	<b>14</b>	<b>53</b>	<b>720</b>	<b>788</b>	<b>1</b>	<b>17</b>	<b>66</b>

POSLJEDICE SAOBRAĆAJNIH NEZGODA

Tokom mjeseca septembra 2018. godine, u saobraćajnim nezgodama na području Kantona Sarajevo nastradala su ukupno 84 lica (tri ili 3,4% manje).

TABELARNI PREGLED NASTRADALIH LICA (poginula, teško i lakše povrijeđena) U SAOBRAĆAJNIM NEZGODAMA ZA  
MJESEC SEPTEMBAR 2018/17. GODINE

učesnici u saobraćaju	septembar 2018. godine	septembar 2017. godine	uporedba	
			+/-	%
vozači	<b>44</b>	40	4	10%
putnici	<b>27</b>	28	-1	-3,6%
pješaci	<b>13</b>	15	-2	-13,3%
<b>UKUPNO</b>	<b>84</b>	83	1	1,2%

Jedno lice je poginulo (isto kao u uporednom mjesecu), dok su 83 lica povrijeđena (jedno više), od čega 17 teže (devet više) i 66 lakše (osam manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA  
ZA MJESEC SEPTEMBAR 2018/17. GODINE

mjesec	SEPTEMBAR 2018. GODINE			SEPTEMBAR 2017. GODINE			UPOREDBA SEPTEMBAR 2018/17. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
<b>VOZAČI</b>	<b>1</b>	<b>4</b>	<b>39</b>	0	2	38	<i>1</i>	2	<i>1</i>
<b>PUTNICI</b>	<b>0</b>	<b>5</b>	<b>22</b>	1	2	25	<i>-1</i>	3	<i>-3</i>
<b>PJEŠACI</b>	<b>0</b>	<b>8</b>	<b>5</b>	0	4	11	<i>0</i>	4	<i>-6</i>
<b>UKUPNO</b>	<b>1</b>	<b>17</b>	<b>66</b>	1	8	74	<i>isto</i>	9	<i>-8</i>

Kada je u pitanju stepen povreda, jedan vozač je poginuo<sup>1</sup>, četiri su teže, a 39 lakše povrijeđeno, pet putnika teže, a 22 lakše povrijeđena, dok je osam pješaka teže, a pet lakše povrijeđeno.

**Starosna struktura nastradalih osoba** u saobraćajnim nezgodama je slijedeća:

- do 17 godina – 16 lica,
- od 18 do 30 godina - 11,
- od 31 do 40 godina – 15,
- od 41 do 50 godina – 20,
- od 51 do 65 godine – devet lica, itd.

**Starosna struktura nastradalih vozača** u saobraćajnim nezgodama je slijedeća:

- od 18 do 23 godine – pet lica,
- od 23 do 30 godina – osam,
- od 30 do 40 godine – 15,
- od 40 do 50 godina – sedam,
- od 50 do 60 godina - pet lica, itd.

Prema **kategoriji i karakteristikama puta**, najveći broj saobraćajnih nezgoda registrovan je:

- na ulicama u naselju – 617 nezgoda u kojima je 47 lica povrijeđeno,
- na magistralnim putevima – 61 (jedno lice poginulo, a povrijeđeno),
- na lokalnim putevima – 38 (tri lica povrijeđena),
- na regionalnim putevima – 29 (tri lica povrijeđena),
- i na putevima koji se ubrajaju u kategoriju ostalih – 43 saobraćajne nezgode (20 lica povrijeđeno).

. UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 649 (u kojima je jedno lice poginulo, a 51-no povrijeđeno (11 teže i 40 lakše),
- neprilagođena brzina - 69 (30 lica povrijeđeno, četiri teže i 26 lakše) i



- uticaj alkohola – dvije nezgode (dva lica teže povrijeđena).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca septembra 2018. godine, policijski službenici Uprave policije MUP-a Kantona Sarajevo kontrolisali su ukupno 16.445 vozila (4.780 manje), izvršen je pregled 114 vozila (81 manje) i 115 lica u tim vozilima (86 manje).

Zbog tehničke neispravnosti iz saobraćaja je isključeno 39 vozila (20 više), 275 vozača je zatečeno da upravljaju vozilom pod dejstvom alkohola (82 više), 402 bez korištenja sigurnosnog pojasa (15 manje), 117 bez položenog vozačkog ispita (38 više), 427 vozača zatečeno je u korištenju mobitela tokom vožnje (100 više) i 126 vozila su učestvovala u saobraćaju bez važeće registracije (26 manje).

Zbog kršenja propisa iz oblasti sigurnosti saobraćaja uručeno je 16.613 prekršajnih naloga vozačima (2.814 ili 13,3% više u odnosu na septembar prošle godine) i podneseno 27 zahtjeva za pokretanje prekršajnog postupka (13 ili 32,5% manje).

#### MIRUJUĆI SAOBRAĆAJ I KONTROLA PJEŠAKA

Policijski službenici Uprave policije MUP-a KS su i tokom mjeseca septembra 2018. godine planirali i kontinuirano provodili aktivnosti po pitanju saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 5.408 prekršajnih naloga (635 manje), upozorena su 343 vozača (96 manje), a specijalnim vozilom “pauk” premješteno 196 vozila (32 manje).

Takođe, pješacima koji su kršili saobraćajne propise odnosno nepropisno se kretali uručeno je 118 prekršajnih naloga (63 ili 34,8% manje), a upozorena su 63 pješaka (63 ili 50% manje).

#### 4. ZAKONITOST U RADU

Tokom mjeseca septembra 2018. godine, registrovana su dva napada na policijske službenike Uprave policije (jedan manje u odnosu na mjesec septembar 2017. godine) i to : jedan pojedinačni i jedan grupni napad.

Grupni napad izvršen je prilikom uspostavljanja narušenog javnog reda i mira u većem obimu, koji je za posljedicu imao sedam lakše povrijeđenih policijskih službenika.

U napadima su učestvovala četiri punoljetna lica, koja su lišena slobode i uz službene izvještaje predata nadležnom tužilaštvu

Policijski službenici Uprave policije su u mjesecu septembru 2018. godine, prilikom narušavanja javnog reda i mira u većem obimu opravdano upotrijebili silu i to:

- trideset i jedan policijski službenik upotrijebio je fizičku snagu,
- četrnaest policijskih službenika upotrijebili su fizičku snagu i palicu,
- sedam policijskih službenika upotrijebili su fizičku snagu i hemijska sredstva,
- dva policijska službenika upotrijebili su fizičku snagu i sredstva za vezivanje - službene lisice,
- dva policijska službenika upotrijebili su hemijska sredstva.

Tokom mjeseca septembra 2018. godine, razmatrano je 28 predstavki na rad policijskih službenika. Nakon razmatranih predstavki Odbor za žalbe građana Skupštine Kantona Sarajevo donio je zaključak da se za 13 predstavki izvrše provjere i prikupi dokumentacija, za 10 da se provede unutrašnja istraga, dok za pet predstavki nije bilo osnova za provođenje unutrašnje istrage.

Od ukupno razmatranih 28 predstavki, 22 su podnesene od strane građana, a šest predstavki predstavljaju saznanja iz službe.

Okončano je sedam unutrašnjih istraga, od kojih su tri osnovane, dvije neosnovane, a u dva slučaja nije bilo dovoljno dokaza.

## **AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE**

U mjesecu septembru ove godine evidentirano je pet djela regulisana ZONDINOIM-om (jedno više) počinjena od strane pet lica, a dva su lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: šest pištolja, 491 komada municije raznog kalibra, itd.

U mjesecu septembru ove godine fizičkim licima izdata su 32 odobrenja za nabavku vatrenog oružja i 99 oružnih listova.

## **RAD POLICIJE U ZAJEDNICI**

U okviru Rada policije u zajednici u toku septembra 2018. godine nastavljene su aktivnosti s ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Obavljajući svoje redovne aktivnosti policijski službenici su vršili obilaske mjesnih zajednica, obrazovnih i vjerskih institucija i aktivno učestvovali u kampanjama i projektima, koji su se odvijali na području Kantona Sarajevo.

S tim u vezi uručeno je 800 plakata, brošura i drugog reklamnog materijala, održano 15 predavanja u obrazovnim institucijama, ostvareno 39 kontakata sa vjerskim institucijama, 59 sa mjesnim zajednicama, 22 sa socijalnim radnicima, održano 19 stručnih predavanja građanima i kontinuirano nastavljene aktivnosti vezane za rad policije u zajednici.

**Sarajevo, 15.10.2018.godine**

**Odjeljenje za odnose sa javnošću**